

बख्तावरजी : गांव रा नेता
 रामू :
 गोपू :
 सोतल :
 खौमी : गांव रा लोग
 भैरू :
 ईदू :
 गवरू :
 अक नसैबाब
 (गांव रा दूजा मिनख नै तीन डोकरीयां, मा'राज बगैरा)

मिनखपणौ

—अबालाल जोसी

पै'ली दरसाव

(परभात से टैम । गांव से अक टूटोड़ी चांतरी माथे बैठी बूढ़ी डोकरीयां । बीच में मा'राज बैठा कथा वार्ता करै । कथा वार्ता खत्म हुवण पर चरणाम्रत तुलसी दळ ले नै आपस में बातें करती जावै । सैगारे गळे में माळा पै'रियोड़ी नै लिलाइ मा'थे चंदण से टीकी लागोड़ी है । पुराणें ढंग से छीटां रा घाघरा, रंगीन जाड़ा ओरणा नै अंगरखियां पै'रियोड़ी है ।)

१ डोकरी—मा'राज ! सुगन लौ नी देखाण ? रामू से छोरै कद तक लाद जासी । मा'राज—(आंखियां मोचरे) मिळ तौ जावणौ चहिजे सुगनाऊं तौ अकाध दिन में ई । देखौ ।

डोकरी—आपरी जीध नै इमरत मा'राज ! लाद जा, तौ संकट मिटै बिचारां रै घर से । (दूजी लुगायां रै सामें देखे) देखौ ! बापड़ा में कै'ड़ी हुई ? तीन दिन हुवा लायां से रांदी हाडियां पड़ी रैगी ।

तीजी—दो दाड़ा हुआ बिचारां रै पगां में पाणी पड़गयो है, घूमतां घूमतां । आज तक तौ डावड़ा से पतौ को लागौ नी ।

(मा'राज बस्ती बांध नै चढाणौ ले नै रवाना हुवै । डोकरीयां आपस में बातें करती

रैवै ।)

चौथी—परभू गयो सुणिगौ बखताराम जी रै कनै । वै कै'यो कै' रुस में रिपोट दौ उणरी । साईं रा सौ खेल । कई टीक कई हुवौ ?

तीजी—यूं पी पोटा आदमियां से बातां नी मान भी लेवणी चहिजे । बखतारामजी आपणें गांव रा ५ हजार धरां में समझदार है । कै'वै सौ टीक ई है । साईं रा सौ खेल । कई टीक कई हुवौ ?

पै'ली—पोटा आदमियां से मोटी बात हुवै बैना । बोली, गांव पूरै पगां मा'थे हुयगी पण बखताराम जी कई टा' किसी साळ में जाय नै लुकगया ।

दूजी—साची बात है । अक बार बोट लेवण नै आया जिणरी पाछरी तौ मूंडी ई को बतायौ नी । गांववाळा अगर वारै कनै कोई काम सारू जावै तौ कोई कानूनी पेच बताय नै वां नै टरकाय दै ।

(अक आदमी दौड़ती चांतारा कनै आवै नै हांपतौ हांपतौ बोले)

आदमी—मां !

डोकरी—हां, बेटा गोपू ! खोज लागौ रे बेटा रामू रै छोरै रै ?

गोपू—हां, मां ! गफूरियो बात करतौ हौ कै रामू रै छोरै न्हावण नै बागर बावड़ी मा'थे गयो हौ अर न्हावतौ न्हावतौ पाणी में छिपगी ।

डोकरी—बेटा, गफूरिया नै पूरी बातां तौ पूछी हुती रे ।

गोपू—पांच बरस से तौ छोरै है मां, जाता बता भी नहीं सकै । पतौ भी नहीं पड़ियो कै उठै कुण कुण हा । कारण, पुळर्यां रै डर सूं साग चुप है मां ।

दूजी—साची बात है आ' ।

गोपू—हां जरूर वो पाणी में डूबियो है । निगै करणी चहिजे ।

डोकरी—बेटा, रामू नै या उणरी मां नै तौ उणरी खबर दी होती जिण सूं वे' तौ बापड़ा ऊंधा गोता नहीं खावै ।

गोपू—मां ! आ' बात वांनै म्हाँ कीकर कैऊं कै थांरी बेटौ बावड़ी में डूबर मरगौ जद कै हालतक पूरी उणरी तसल्ली भी नहीं हुयी ।

डोकरी—(कों गुस्से में) जाय नै म्हाँ कै'ऊं, थूं नहीं कै'वै तौ । थूं जा बावड़ी कानी । उण रै खोज से पतौ लगा । (पै'ली डोकरी ऊठने जावै)

दूजो दरसाव

(रामू से टुटोड़ी झूंपो। रामू से मूंडो उतरियोड़ी। नीचो मूंडी कीयां आंसूझा डलकावै है। हातां मा'थे माथो टेकने मां उदास बैठी है। रामू से लुंगावड़ी खुणा में ओकण कानी बैठी है घूषटो काढ्योड़ी। साराई चुपचाप बैठा है। पै ली डोकरी जायने रामू से मां रै कने बैठे। रामू से मां डोकरी रै पगां लागे नै डोकरी आसीस देवै।)

गोपू से मां—पतौ लागो अे बीनणी ?

रामू से मां—नहीं बा'भी जी। हाल तौ कीं टा' पड़ी कोनीं। आप ई राय दो। अबै कई करणो चहिबै ?

गोपू से मां—बार्ह बेरा बावड़ी भी सोष लेवणा चहिबै। कई टा' डावड़ी गयो है उठीनै, नै पग उबक गयो है।

रामू से मां—अेक बावड़ी बेरो है तौ जोवां भोळा बा'भी जी। इतरा बडा गांव में सारा बेरा बावड़ी छण मेलणा कोई सैल बात कोनीं।

गोपू से मां—हमारुं टाबरां मांय सूं अैड़ी बात आई है कै बागर बावड़ी कानी जावतां उणनै टाबर देखियो है (रामू से मां में थोड़ी चंचलता वापरै)।

रामू से मां—बर्ह बा' भीजी, हमार मेलान किणनै ई आप के थो है तौ। (थोड़ी रुकने तीन दिनां में तौ पाणी में डूबोड़ी ल्हास भी ऊपर आ जावै।)

गोपू से मां—कीं टा' को पड़े नीं। पै ली हुकमा रै बूढो बाप सात दिनां सूं बरै आयो। वो भी ओक छो रै पाणी में गंटी लगायो जद उण डोकरी री ल्हास नै वो छो रै दोनूं ई ओक साथै पाणी रै बरै निकलिया। छो रै तौ अेड़ी गिगीजियो कै छै महीना तई उणनै ताव को छोटियो नीं डर सूं। पछै केई बैद भोपा बुलाया जरै कटैई छै महीना सूं जायने सुधरण लागो।

रामू से मां—(तेज बोली में) रामू ! अे रामू ! सुण अै, बा'भीसा काई कै वै है। बेदा, उण रै पतौ तौ लगावो ^{हू}।

गोपू से मां—हां बैटा रामू ! थारो भाई तौ गयो ईज है। ये भी जावो। बागर बावड़ी साथै उणरै पतौ लगावो दोनूं भाई मिळेर। सायद खोज लाग जावै।
रामू—अै जाऊं मां (पड़तो पड़े)

तीजो दरसाव

(बखला रामजी रै बांगळी। कमरा में बखलारामजी टैल रया है। ओकण कानी ओक बूटी पर सफेद झक चोळी नै धोतियो लटकै है नै ओक मेच मा'थे खटरी री थोळी टोपी उस्सरी कियोड़ी पड़ी है। सामने भात मा'थे गांधीजी नै नै लुच्ची री तबियां लटक रयो है। कमरा में ओक सोफा सैट, दो आपम कुशियां नै ओक मेच ढंग सूं सभियोड़ी है। ओकण कानी टैलीफोन पड्यो है। सीतळ नै देखने आ'घा सूं ईसनै बोले।)

बखला—आव सीतळ, कीकर आयो ?

सीतळ—यूं ही आयगो अटीनै।

बखला—तौई कीं तौ बात हैला।

सीतळ—बाबूजी, सुणी है कै रामू रै बेटी—।

बखला—हां, उणरै पतौ लागो रे ?

सीतळ—पतौ तौ को लागो नीं हाल, पण सुणीबै है कै वो बागर बावड़ी में पड़ने मर गयो।

बखला—है ! आ' कीकर हुई रे ?

सीतळ—रामू नै गांव रा निरा दूजा जणा बागर बावड़ी कानी गया है नै गोपियो कै वतौ हो कै छो रा रा खोज जावतां रा तौ मिळै पण पाछा आवता रा को निजरीजै नीं।

बखला—नीगै तौ करने आ पूरो। सांचो बात कई है। (बणावटी उदासी दिखा रे) वो त भूड़ी हुई रै बापड़ा में ! राम से इच्छा भई !

(यूं कैर सीतळ बावड़ी कानी खाने हुवे, बखलारामजी टैलीफोन उठावै नै बात करै।)

बखला—हेलौ—बखलाराम ! हां। सुणइल सां ब ? जै हिन्द ! सुणी है कै गांव में रामू में छोरो बागर बावड़ी में हेलौ—हां तीन दिन पै ली हेलौ—हुब नै मर गयो। हां—हेलौ—बागर बावड़ी में हेलौ—आप आदमी भेज दो। हां—हां—अगर बात सांची है तौ कीं तौ पत्न्यदो ईज है। हां—हेलौ—फले आम भी पधार जाईजो। हां,हां, म्है भी आजाऊंला। सिपारस करण नै। हेलौ—हां सब निवड-लूला, म्है आऊंला जरै हां—टीक है—हेलौ इण सूं म्हारी पैठ तौ जमैलाई की हातै भी आवैला। हेलौ, हां बस टीक है। केर नवरू मिळालाई, धन्यवाद। (टैलीफोन धरने पाछा टैलण लागे। दो आदमी आवै।)

खेमी—(राम राम करने) बाबूजी ! अँड़ो सक है कै रामू रै बेटी बावड़ी में पड़ने मारि है । बापड़ी तीन तीन दिनां सूं उण छोरा रै फिकर में भूखी तिरसो दोइ रयी है । पणोई समजावो पण माने ईज कोनी । होवणी भी चहिबै, बेटा रै फिकर जो है ।

बखता—(नकली चै रै बणा रै) हां भाई ! बेटा रै मोह अँड़ोईज है । पण आं ती बजावै कै बावड़ी में पड़ने मरण री नौबत कोकर आई । सुणियो है कै मां नै बेटी ब्याव रा मामला नै ले नै लइ पाँडिया हा ?

भैरू—मैं ती सुणियो कोनी बाबूजी नै अबार पूछण री बिलिया भी कोनी । बापड़ा रै मुँहा ती लोही सूं भरीबियोड़ी है ।

बखता—पुलस रा आदमी ती उठे नहीं आया कै ?

खीमी—मैं ती नहीं देखिया सा ।

बखता—पुलस रै रां पड़गी ती अँठर डोजल भुँडा लागैला !

भैरू—आप बिराबिया हो जिते ती कई चिन्ता है ।

बखता—मैं कई कर सकूँला भाई ? कानून ती साग रै वास्तै ओक सरोखी ईज है । खैर पण आती बतावो ये आया कोकर हो ?

खीमी—बाबूजी ! मैं बावड़ी पर सूं आया हां, आपनै विनती करणनै । आप मै रबानी करनै आपरै कंवर साब नै भेज दिरावो । वै तिरणो चोखो जाणो । वो त हुसियार है । वै चाले ती छोरा रै पती लगा सकै । तिरण रै दूजो समान भी साथै लेने चाले परा । म्हे भी मदद करांला ।

बखता—भाई, आ कोकर हू सकै ? रामू ती आपरा छोरा नै गमावो नै म्हे भी उणरै दायज मै म्हरा छोरा नै गमाऊं ?

भैरू—नहीं बाबूजी ! आपरा बेटा रै हाथ सूं अर उण बापड़ा रै मरियोड़ी बेटी भी निकल जावै ती उणरी जीव ती टंडो हो जावै । बापड़ी डबडवाई आखियां सूं आपरा मरियोड़ा छोरा नै ई देखले ई ।

बखता—नहीं, भाई, नहीं, मैं ती म्हरें छोरा नै आज भजूं नै चाले । छोरो ई ती है । डर जावै ती गै लो बावळो है जावै । (थोड़ी सोच नै) आप जायने पटाण नै कयूं ती ले आवो ? वो तिरण रै उस्ताद है । काम कर देला ।

भैरू—बाबूजी ! आप गांव रा मुखिया हो, नेता हो, नै सब कुछ हो । आपरै ई साग सूं गांव री काम चाले है । अगर आप भी इमदाद को करी नी ती ईदू बापड़जी कई कर सकै है ?

बखता—नहीं, उण री ती काम ईज ओ' है भाई । थोड़ा सा पइसा लेलेसी और कई ? आप जावो बल्दी । मैं कैक हूं कै ।

खीमी—जासां ती परा पण सागर गयोड़ाई तिरसा आ जावै ती बापड़ा पोखर कई तिरस बुझाई । (दोनों आदमी जावै)

(पड़ती पड़ी)
चौथी दरसाव

(ईदू आपरै घर में मांचा भाबै उभाई डोल बैठी है । ओक अंगोली लपेटयोड़ी है । खीमी नै भैरू आवै)

दोनों—ईदू भाई, सिलाप ।

ईदू—सिलाप भाई खीमीजी । आवो भेरजी बैठी । कोकर आया ?

खीमी—ईदू भाई ! सुणियो हैला आप कै रामू री ओकाओक डीकरी बागर बावड़ी में डूब गयो बतावै । हाल तक वो निकलियो कोनी । बखतूजी कै यो कै ईदू ने लेजायने निकलवा लो ।

ईदू—भाई, हमार ती म्हरै घर में भी कोई कोनी नै टावर भी ओकला है । यां नै कीकर छोड़ दूं ?

भैरू—आप हुकम दो ती घर री नीगै ती म्हे राख लूंला । बिचारा गरीब री काम निकाल दो ती भगवान भलो करैला । भलाई री काम है ओ ती ।

ईदू—काड ती दूं भाई, पण हमार ती म्हरा तीबियत भी ठीक कोनी नै फेर ये ती जाणोई हो कै म्हे ती निकलई रा पांच सौ रिपिया लूं हूं ।

खीमी—ईदू भाई ! आपती जाणोईज हो कै उण गरीब रै कने पांच री रिपिया कठै ? उण रै कने ती पचास धैलाई कोनी ।

ईदू—जरे भाई आपरी जान कुण जोखम में लाकै ? म्हेने ती टेम है कोनी, और किणीनै पकड़लो ।

खीमी—और ती हमें कुण है भाई ? हरी ती गांव गयो, परै, अबे कुण ओ काम कर सकै ?

ईदू—बखतुबी ने ईज कौ कनी ? वे किणी रै इन्तजाम कर दैला । गांव रा मुखिया है ।

भैरू—वां तिलां में भी कीं तेल म्हां नै दीखियौ कोनी । खुद रा बेटा नै तौ वे भेजे नहीं । अटी उटी टिल्लावै ।

(इतने में दारू पियोड़ी गबरू काकड़ी खावतौ उठीनै निकलै)

गबरू—अबै सा...तै ! जानता है म्हां कौन हूं ? कर सा...तै तरे बाप को सलाम । नहीं तौ मेरा नाम गबरू है । या...द र...खना ।

गबरू—जान निकाल लूंगा सालै की (तीनां कानी देखनै) क्या हौ रहा है बेटा ? (सारा डर सूं चुप रै वैं)

गबरू—कहौ बेटी ! आज क्या कर रहै हौ ।

खीमौ—(हिमत करनै) आज बागर बावड़ी में रामू रै छोरौ डूबग्यौ जिण सूं... । गबरू—अच्छा ! बावड़ी पर भीड़ यूं है । म्हां...म्हां...ईदू ! जाओ, निकालौ उसे । निकालता क्यों नहीं रे ?

ईदू—मुझे बुरा है ।

गबरू—हां बेटा ! ठीक, तेरी ऐसी की तैसी । म्हां निकालूंगा । चलौ । यूं समझता है तैरा तू हौ जानता है । म्हां भी जानता हूं । म्हां जाता हूं...म्हां जाता हूं । सा...ला कहता है...म्हां बी...मार हूं । ठहर बेटा ! म्हां अभी उसे निकाल कर तेरा घमंड चूर करता हूं ।

पांचवौं दरसाव

(बागर बावड़ी माथै निस आदमी ऊमा है । गबरू रै जागै आगै खीमौ नै भैरौ पाछा आवै ।)

रामू—कई हुवाँ ? बखताजी रै बेटी आयौ ?

भैरौ—आया घणई ! औ मोटा भिनख अपां गरीबां रै काम आया कदैई ?

खीमौ—वै तौ साफ नटगा के म्हां तौ म्हारा छेरा सी जान खतरै में को न्हाकुं नीं ।

रामू—जै पछै ? (गबरू आवै)

खीमौ—जै कई ? कोई वारै भरोसै ईज थोड़ाई बैठां हां । गबरू भाई आयौ है कै वै के मैं काड़लां उणने ।

रामू—काई नीं बीरा गबरू ! थू खुद गरीब है, गरीबां सी पीड़ समझे ।

गबरू—तुम इतने मिट्टी के पुतले खड़े...हो, देख रहे हो । शरम आनी चाहिरें तुमको । हटो सा...लो ! नहीं तो मा...रूंगा मैं तुम को । हटो... । (कपड़ा उछारं बावड़ी में जावै ।)

(थोड़ी देर बाद बावड़ी कानीं देख देख नै लोग जातां करै ।)

खीमौ—गबरू जबरौ आदमी है । यूं तौ फेल फिगूर करतौ फिरे, पण बखत माथे आडौ आयगौ ।

भैरू—देखौ, तीन चिबकियां तौ लगा चुकी है । हाल तौ कीं पतौ लागै नीं ।

रामू—अरे, गबरू बलाई मांगे ! बलाई दो झट ।

(अक आदमी बलाई लेनै बावड़ी में न्हाकै ।)

३ आदमी—जबरौ है माटी गबरू देखौ, लकड़ी रा लट्ठा माथे बैठनै बलाई सूं साध रयौ है ।

खीमौ—(बावड़ी में देखनै) हमकै बलाई अटकी दिखै ।

भैरू—हां, हमकै अटकी । हे वो लगाई चिबकी ।

साराजणा—(बावड़ी में देखनै) निकलियौ ! निकलियौ !

(रामू बावड़ी में मांगे कानीं भागै, दूजा भी जावै । थोड़ी दूर पछै गबरू आपरा हाथां में ल्हास लेनै आवै । साथै रामू रोवतौ रोवतौ आवै ।)

खीमौ—मरग्यौ ?

भैरू—तीन दिन हुवा पड़यां नै । जीवतौ कठा सूं रै वै ?

३ आदमी—खैर भाई । पतौ तौ लाग्यौ । लाई रामू रै चिता तौ मिटी ।

रामू—गबरू भाई ! थू म्हारी लाज राखी । म्हारा भाग फूटोड़ा जिणरौ तौ थू ई कई करै ? (१० रिपिया उणरै सामां धरै ।) भाई औ दस रिपिया थारौ हज्जरी में हाजर है । म्हां गरीब हूं ।

गबरू—रामू ! म्हां अब नसा रै बस में नहीं हूं । मैं गिरस्त हूं । म्हारै भी बाळ बच्चा है । अगर थारौ बेटी जीवतौ निकलियौ हुतौ जद तौ म्हां मूँछ मरोड़ नै बघाई ले लेवतौ । पण अबै म्हां रिपिया लेवणा हसाम समझूं । औ रिपिया नहीं लोही रा किरचा है ।

रामू— नहीं भाई ! मैं राजी खुसी देऊं हूं, आप ले लिरावौ ।

गबरू— रामू ! मैं मगतौ तौ हूं नहीं । न मैं जिनावर हूं । नसौ जरूर करू हूं, कारण मैं दुःखी हूं । दुख ने भूलण रौ अेक औईज रस्तौ मैं दिखियौ । पण मैं मिनख हूं अर मिनखपणा रौ ईज मैं काम कियौ है ।

रामू— भाई ! थूं मिनख नहीं देवता है, म्हारै सारू तौ । बिना सा'रा वाळां नै थूं सा'रौ दियौ है, इण वास्तै थूं देवता है ।

गबरू— रामू ! मैं देवता नहीं, मिनख ईज हूं, जिणनै अः दुनिया गुंडौ बणा राखियौ है । पण जका धन रौ नै कुरसी रौ नसौ करै वै मिनखपणौ भूल जावै । इणीज वास्तै वे मिनखा सूं आधा आधा रै वै ।

(सब लोग अेक दूजारे सामी देखै । केयां री तौ अंखियां आसूंड़ां सूं डबडबा जावै । रामू जोर जोर सूं रोवण लागै । जमीन माथै धचाक करती रौ बैठ जावै । कीं लोग उणरै कनै बैठनै उणनै समझावण लागै ।)

खीमौ— वा रे, गबरू वा ! देखौ, रिपियां नै कैड़ी ठोकर मार दी ! इण गरीबी री हालत में उणरै वास्तै तौ अे दस मो'रा ही । पण नहीं ।

भैरू— गबरू मिनख है, भलै ई कपड़ा फाटा ई होवौ नै रै वण नै भलै ई टूटौ झूपौ ई क्यूं नीं हुवौ । नै मिनख रै काम नीं आवै जका ढांढा है भलैई बंगळा में ई क्यूं नीं रैवै ।

सब — लो, रामू भाई ! चालौ घरै । हमैं इण रै दाग रौ इन्तजाम करौ । उठौ, हीमत राखौ ।

(रामू ऊठै नै पड़दौ पड़ै)